

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

**Tanner, Adam
Ingolstadii, 1627**

VI. Qua ratione ratiæ gratis datæ se habeant ad fidem; quot item &
quænam sint; & quæ singularum sit ratio, an etiam sint habitus.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

vt recte notauit Azor cit. lib. 8. cap. 27. q. 2. iuxta quartam & septimam assertionem.

Colligitur quarto, quid faciendum sit, si lata lege certus habitus, per se non superstitiosus, Christianis præcipiatur. Nam si lex non sit in viridi obseruantia, aut primario non sit instituta ad fidem profitendam, sed ob finem politicum, & subsit causa rationabilis omittendi habitus, aut licet præcipue sit instituta ad fidei professionem, sitque adeo in viridi obseruantia, adhuc tamen in casu necessitatis, si ab sit scandalum & contumelia fidei, poterit is habitus prætermitti, vt recte docent Bannes, Valentia, & Arragonius locis cit. Quicquid Caietanus cit. a. 2. ratus, legē talem eandem vim habere cum interrogatione Tyranni, vniuersim dicat, nullo casu licite posse omitti præscriptum habitum, si lex illa proprietatem latet ad profitendam fidem, & simul in viridi sit obseruantia. Atque idem seruata proportione pariter dicendum est, si qua lege Christianis aliquis habitus sit prohibitus, ex eorumdem sententia, exemplo S. Sebastiani, de quo supra assert. 5.

Colligitur quinto, non peccare contra fidei professionem, adeuntes hæreticorum tempora & conuentus, eorumque conciones audientes, ijs in locis, vbi passim Catholicorum hæreticis eas audire solent, non vt fidē hæreticā profiteantur, sed vel vt errores Prædicantium notent, vel alia ob causam, iuxta quartā & quintā assertionē. Secus est in alijs locis, vbi nulli adeunt, nisi ob fidē profitēdā: tunc enim saltem ratione scandali peccabūtur, accedendo, vt recte notarunt Gregorius de Valentia q. 3. pun. 2. & Azor cit. c. 27. q. 5. Quia ratione etiā speciatim in Anglia id illicitū esse, viri docti & pīj fenserunt, ipseq; etiā Pontifex Paulus V. declarauit: præsertim qātā Catholicorū, quā hæreticorū ijs locis communis sensus fuisse refertur, à fide saltē ex parte, & quoad externam apparentiā deficerē eos, qui vt editio Regis pareant, tempora hæreticorum adeunt. Neque tamen perse loquendo, vel ab his, vel ab illis excommunicatio legentiū libros hæreticorū, aut coīmunicantiū cum excoīmunicatis in crimen criminoso aut fauentium hæreticis incurri videtur: cū isti quidē nec libros hæreticos legant, nec hæreticis, vt sic, cooperētur, nec fauent, vt suppono: secus esset, si quis induceret verbi præconem aliquem ad hæretice concionandū.

Addit vero Azor loc. cit. posse illicitum nō esse conciones hæreticorum audire, ijs in locis, vbi id pro fidei falsa protestatione seu fauore non habetur, etiamsi Princeps hæreticus id mandarit, non ea quidem expressa intentione, vt fidei falsa professio fiat, sed vt illi vt cumque in re indifferenter obtemperetur: quod ex eo confirmari potest; quia alias saltem ob erroneam conscientiā peccarent Iudei, qui Romæ coguntur Catechismum seu doctrinam Christianam audire.

Quod si vero Princeps imperethoc obsequium præstandum in protestationem aut fauorem hæreticæ perfidiae, tunc sane quidem Catholicis non licebit obtemperare, iuxta lexam assertionem, & Corollarium secundum; nisi forte hac aperte protestatione præmissa, id officium se præstitutros

in obsequiū Principis, nō in erroris contestationem, vt notauit ibidem Azor; quandoquidem alias supponitur, rem esse perse licitam neque legibus Catholicæ Religioni aduersam.

Colligitur sexto, non esse intrinsece malum, hæreticorum nuptijs, baptismo, sepulturæ interesse; modo non detur causa, vt aliquid ab ijs impie & contra Ecclesiæ præcepta agatur. Quin ipso probabile mihi est, posse Catholicos ob piam utilitatem, aut publicam tranquillitatem, etiam filios eorum, quāmis ab hæretico Ministro baptizandos, è baptismo suscipere, saltem accedente hac protestatione, seu significacione, se filios iuxta veram Christianam fidem, non hæreticam perfidiam instituendos suscipere; quod ipsum tamen satis per se ex conditione ipsius personæ suscipientis colligitur: sicut etiam nullum est peccatum, in necessitate baptismum ab hæretico, si nullus Minister alius adsit, accipere, aut procurare, vt superius dictum.

Vt autem hæreticus in patrinum à Catholicis adsciscatur, nunquam videtur esse licitum. Cum enim hoc sit intrinsecum patrii officium, baptizatum in fidei doctrina instituendum curare, neque præsumi possit, hæreticum aliam fidei institutionem procuraturum, quam perfidia sua consonam, idcirco ea patrini hæretici aduocatio aperta esset falsa religionis protestatio. Potius igitur, si Catholicus desit, omnino prætermittendus est patrinus, vt suo loco de Baptismo pluribus dicetur. Plura huius generis occurunt in materia de baptismo, & partim etiam quæst. sequente, vbi de infidelitate agetur.

D V B I V M VI.

*Qua ratione gratia gratis data
se habeant ad fidem; quot item
& quenam sint, & quæ singu-
larum sit ratio; an etiam sint
habitus.*

S. Thomas 1. 2. q. 111. a. 1. 4. s. & 2. 2. q. 171.
172. 173. 174. 175. 176. 177. & 178.

Non agit quidem S. Thomas de hoc argu-
mento in tractatione de fide; quia tamen
id maximam cum fide affinitatem habet; partim
quia omnes eiusmodi gratia gratis datae potissimum
referuntur ad plantandam, nutriendam, &
tuendam fidem, vt inferius patebit, & docet S.
Thomas 1. 2. q. 114. a. 4. & 3. p. q. 7. a. 7. par-
tim etiā quia nonnullæ ex ijs sua natura non par-
uum similitudinem, quin & commune nomen-
cum fide habent; & vero simili etiam inter actus
potius, quam habitus numerantur, idcirco con-
sultum vīsum est, ne de ijs nihil penitus agatur,
qua quidem aliquin à schola Doctoribus ferè
prætermitti solent, breuiter de illis hoc loco
agere.

Primo igitur queritur, quid sint gratia gratis
datae, & quomodo vniuersim à gratia gratum fa-

ciente differant. Respondetur, per gratiam gratis datam hoc loco intelligi; peculiaria quædam munera diuinæ gratiæ, quæ proprie ac principali non ad propriam habentis uti gratiagratum faciens, sed aliorum salutem ordinatur, ac solo fere arbitratu diuina voluntatis distribuuntur, iuxta S. Thomam 3. part. q. 7. a. 7. ad 1. vbi ait: *sicut gratia gratiæ faciens ordinatur ad actus meritorios, tam interiores, quam exteriores (ad eoq; ad propriam habentis salutem:) ita gratia gratis data ordinatur ad quædam actus exteriores fidei manifestatiū, adeoque proximi salutem concernentes. Quamvis autem etiam gratia gratiæ faciens gratis detur; quia gratia nisi gratis sit, gratia non est, iuxta Augustinū in Enchiridio c. 107. quia tamen gratia gratum faciens, inquit S. Thomas 1. 2. q. 111. a. 1. ad 3. addit aliquid supra rationem gratia gratis data, quod etiam ad rationem gratia pertinet, quia scilicet hominem gratum facit Deo, ideo gratia gratis data, quæ hoc non facit, retinet sibi nomen commune.*

128

Cum quo non pugnat, quo min⁹ eadem gratiæ non funquā ad eorū etiā, quibus cōceduntur, sanctitatem demonstrandā, aut ornandā referantur, iuxta illud S. Gregorij homilia 17. in Ezechiele: *De eis (Sanctis Prophetis &c.) foris ostenditur, quales apud Omnipotentem Dominum intus habeantur. Vnde etiam S. Thomas 3. par. q. 27. a. 5. ad 8. ait: Non est dubitandum, quin B. Virgo accepit excellenter denuo sapientiam, & gratiam virtutum, & etiam Prophetæ: non tamen acceptit, ut haberet omnes viae harum, & similiū gratiarum, sed secundum quod conueniebat conditioni ipsius. De hac etiam gratia loquitur S. Petrus epist. 1. c. 4. v. 10. *Vnu quisq; sicut accepit gratiam in alterum illam administrantes, sicut boni dispensatores multiformis gratia Dei.**

129

Nec dubium est, quin gratiæ gratis datae dignitate & excellentia cedant gratiæ gratum facienti, vt docet S. Thomas 1. 2. q. 111. a. 5. consentiente Apostolo; qui post commemoratas gratias gratis datas 1. Cor. 12. v. 3. addit de charitate, ad gratiæ gratiæ facientē spectante: *Aduic excellentiorem viam vobis demonstro. In quæ sensum etiā Augustin⁹ l. 15. de Trinitate c. 18 ait. Nullum est isto Dei dono (Charitate) excellētius, solum est, quod diuidit inter filios regni aeterni, & filios perditionis aeternæ. Dantur & alia per spiritum sanctum munera, sed sine charitate nihil proficiunt. Ratio est; quia gratiæ gratis datae nec tam propinquè nec tā efficaciter, ad ultimā hominis beatitudinē conferunt; nec per se in subiecto aut sanctitatē supponunt, aut efficiunt; nec per se ullam peculiare piamq; dispositionem præviām requirunt; quando sepe etiam impijs comunicantur, vt videre est in Balaam, Numerorū 24. in Caipha, Ioannis 11. & impijs illis, quibus dicitur: *Nunquam noui vos, Matthæi 7. v. 27.**

130

Secundo quæritur, quæ, & quotnam sint gratiæ gratis datae. Respondetur, eas ab Apostolo 1. Cor. 12. v. 7. & sequentibus, in hunc modum reconsensi: *Vñcuq; autem datur manifestatio spiritus ad utilitatem. Alij quidē per spiritum datur sermo sapientiae: alij autem sermo scientia secundum eundem spiritum: alteri fides in eodem spiritu: alijs gratia sanitatum in uno spiritu: alijs operatio virtutum: alijs prophetia: alijs discretio spirituum; alijs genera linguarum,*

alijs interpretatio sermonum. Hæc autem omnia operatur unus ag, idem spiritus, dividens singulis prout vult. Ex quibus nouem vniuersim gratiæ gratis datae colliguntur; nimurū Sermo sapientie, Sermo scientie, Fides, Gratia sanitatum, Operatio virtutum, Prophetia, Discretio spirituum, Genera linguarum, Interpretatio sermonum.

Cuius nouenarij numeri rationem ita edisserit S. Thomas 1. 2. q. 111. a. 4. *Gratia gratis data ordinatur ad hoc, quod homo alteri cooperetur, ut reducat ad Deum: homo autem ad hoc operari non potest interiori mouendo (hoc enim solus Dei est) sed solum exteriori decendo, vel persuadendo. Et ideo gratia gratis data illa sub se continet, quibus homo indiget ad hoc, quod alterum instruat in rebus diuinis, quæ sunt supra rationem. Ad hoc autem tria requiruntur. Primo quidem, quod homo sit fortius plenitudinem cognitionis diuinorum, ut ex hoc instruere alios possit. Secundo ut possit confirmare, vel probare ea, quæ dicit: alias non esset efficax eius doctrina. Tertio ut ea quæ concipit, possit conuenienter Auditoribus preferre.*

Quantum igitur ad primum, tria sunt necessaria: scilicet etiam apparet in Magisterio humano. Oportet enim, quod ille qui debet alium instruere in aliqua scientia, primo quidem ut principia illius scientia sint ei certissima: & quantum ad hoc ponitur fides, quæ est certitudo de rebus invisibilibus, que supponuntur ut principia in Catholicæ doctrina. Secundo oportet, quod Doctor recte se habeat circa principales conclusiones scientie, & sic ponatur sermo sapientie, quæ est cognitio diuinorum. Tertio oportet, ut etiam abundet exemplis & cognitione effectuum, per quos interdum oportet manifestare causas: quantum ad hoc ponitur sermo scientie, quæ est cognitio rerum humanarum, quia invisibilia Dei per ea quæ facta sunt intellecta conspiciuntur.

Confirmatio autem, in his, quæ subduntur ratione est per argumenta: in his autem quæ sunt supra rationem diuinis revelata, confirmatio est per ea, quæ sunt diuinæ virtuti propria, & hoc dupliciter. Vno quidem modo, ut Doctor sacre doctrina faciat, quæ solus Deus facere potest in operibus miraculosis, sive sint ad salutem corporum; & quantum ad hoc ponitur gratia sanitatum: sive ordinetur ad solam diuinæ potestatis manifestationem, sicut quod sol stet, aut tenebrescat, quod mare diuidat; & quantum ad hoc ponitur operatio virtutum. Secundo ut possit manifestare ea, quæ solus DEI est scire, & hæc sunt contingencia futura, & quantum ad hoc ponitur Propheta: ita etiam occulta cordium; & quantum ad hoc ponitur discretio spirituum. Facultas autem pronuntiandi potest attendi, vel quantum ad idioma, in quo aliquis possit intelligi: & secundum hoc ponuntur genera linguarum, vel quantum ad sensum corum, quæ sunt preferenda, & quantum ad hoc ponitur interpretatio sermonum. Ita S. Thomas. Sed in qua partitionis ratione, breuique singularium gratiarum descriptione, quædam non carent difficultate, quæ etiam à S. Thomas alijs locis aliter explicatae eviduntur, ut inferius dicetur.

Illud dubitatur, an eo nouenario omnes gratiæ gratis datae comprehendantur. Ratio dubitandi est; quia inter eas nō cōprehenduntur Sacramentalis potestas conferrandi, ordinandi, & absolvendi; nec potestas & facultas regendi, aliaque

ad

ad alienam salutem procurandam talenta, & munera diuinitus concessa vel instituta. Respondeo tamen cum Sancto Thoma loc. cit. sub eo nouenario omnes gratias gratis datas comprehendendi; quæ ita scilicet ad aliorum salutem ordinantur, ut à solo auctore Deo dependant, diuidente singulis prout vult, ut loquitur Apostolus citat. 1. Corinth. 12. vers. 11. Qualia non sunt ea, quæ obijciuntur, quæ potius ad diuisiones ministracionum & operationum pertinent, quas ipse Apostolus ibidem v. 4. à diuisionibus gratiarum distinxit, vt recte notauit Sanctus Thomas 2. 2. ante quæst. 171. Diuisiones, inquit Apostolus, gratiarum sunt, idem autem spiritus; & diuisiones ministracionum sunt, idem autem Dominus; & diuisiones operationum (vitæ scilicet actiua vel contemplatiua) sunt, idem vero Deus, qui operatur omnia in omnibus.

Quæritur tertio, quænam singulatum gratiarum sit ratio. Respondeo breuiter & singillatim percurrente singulas. Nam quod ad primas duas gratias attinet, de sermone Sapientie, & Scientie varie loquuntur Patres & Doctores. Quidam ea dona ad externum sermonem referunt; alij ad cognitionem, in qua tamen explicanda rursum variant. Evidem ad utrumque, sed potissimum ad sermonem velut proprium obiectū pertinere existimo, cum S. Thoma 1. 2. verbis cit. vbi cum expresse ea dona ad cognitionem retulisset, mox tamen ibidem ad 4. ultimata ad sermonem pertinere docet; Sapientia & Scientia, inquit, computantur inter gratias gratis datas, secundum quod important quan-dam abundantiam scientie & sapientie, ut homo posset non solum in seipso recte sapere de diuino, sed etiam alios instruere & contradicentes resuovere. Et ideo inter gratias gratis datas significanter ponitur sermo sapientie, & sermo scientie: quia ut Augustinus dicit, 1. 4. de Trinitate cap. 1. aliud est, scire tantummodo, quid homo credere debet, propter adipiscendam vitam beatam: aliud est scire, quemadmodum hoc ipsum & ipsi optuletur, & contra impios defendatur.

In eundem sensum saltet de sermone sapientie loquitur Chrysostomus homil. 29. vbi ait: Quid est sermo sapientie? quem habebat Paulus, quem habebat Iohannes filius Tonitru. Quid est autem sermo scientie? quem habebant multi ex fidelibus, qui scientiam quidem habebant, non poterant autem docere, nec facile alii annuntiare quæsciebant. Et Hieronymus in 1. Cor. 12. Sapientia sermo, & sapienter & apte ac rationabiliter loqui & posse differere, vel docere, quid norit Jane. Qui ex dono habet sapientie, sine suo conatu loquitur & labore, & nemo illi fecit B. Stephano potest contrarie.

Similia de utraq; hac gratia habent Theodoretus in eundem locum Apostoli, & S. Thomas in Comentarijs Apostoli ibidem, & 2. 2. q. 177. a. 1. Ratio est, quia quamvis haec gratiae principaliter referantur ad sermonis officium recte erga alios administrandum, simul tamen inuoluunt & pre-requirunt internam notitiam qua & res ipsæ, & ipsa loquendi ratio accommodate at docendum alios apprehendatur & cognoscatur, vt iex Augustino vidimus, & patet in ipsa Theologiae scientia, cuius cognitio potissimum ad fidem tuendam explicandamque refertur. Accedit quod ipsa per se rerum diuinorum

cognitio partim ad fidem, & ad donum intellectus, partim ad donum scientie & sapientie pertinet.

Vnde etiam Suarez 3. part. tom. 1. disp. 21. sect. 2. ait: *Duo a gracie, sermo sapientie & scientia ad sermonem applicatae, nihil aliud sunt, quæ facilitas quædam ex speciali spiritu sancti auxilio data, ad proponendas seu explicandas (vel etiam tuendas) res fidei, vel delectando, vel persuadendo eas, per superiores aut inferiores causas, aut per effectus, & similia exempla confirmando & declarando. Vbi simul ex mente S. Thomæ locis cit. indicatur discrimen inter sermonem sapientie & scientie. Ille enim procedit ad diuina explicanda, persuadenda, & tuenda, ex superioribus causis, & diuinis rationibus, hic vero ex effectibus seu rationibus inferioribus & creatis; vt in simili etiam de dono sapientie, & scientie alibi docui-mus.*

Non minus varia est Doctorum sententia de tercia Gratia fidei: Nam primo Hieronymus in 1. Cor. 12. Chrysostomus homil. 29. in Paulū, Theodoretus in citatum Apostoli locum, Abulensis in Matthæum q. 165. & Caietanus 1. Cor. 13. eam ad fidem miraculorum referunt. Sed non probatur, quis fides miraculorum eadem est cum fide Catholica dogmatum, ut superius q. 6. dub. 1. dictū, & docent Cyprianus lib. 3. ad Quirinum cap. 42. Hilarius canone 17. super Matthæum, & Ambrosius 1. 8. supra Lucam. Id vero quod fides miraculorum fidei dogmatum supperaddit, ad gratiam sanitatum & virtutum pertinet.

Secundo S. Thomas 1. 2. q. 111. a. 4. & Gregorius de Valentia tom. 2. disp. 8. q. 3. pun. 1. fluente etiā Suario 3. part. tom. 1. disp. 21. sect. 2. fidei gratiam in certitudine de rebus inuisibilibus, eaq; rara & firma circa principia fidei constituant. Sed nec istud probatur; quia ista certitudo & ad propriam salutem potius, quam alienam; & ad ipsam fidei virtutem, ac annexum intellectus donum pertinet; nec posset hac ratione defendi, gratia fidei fuisse in Christo.

Tertio nonnulli ad constantiam fidei conseruandæ ac profitendæ referunt. Ita Ambrosius cit. 1. Cor. 12. & Caietanus 2. 2. q. 3. a. 1. ad 2. cum Gloffa cit. 1. Cor. 12. Quod etiam sub disunctione tradit S. Thomas cit. 1. Cor. 12. & 2. 2. q. 4. a. 5. ad 4. vbi ait: *Fides non accipitur pro fidei virtute; quia hoc est communione omnibus membris Christi; sed pro constantia fidei, vel pro sermone fidei; prout scilicet homo potest recte propone ea, quæ fidei sunt. Sed neque hoc probatur; quia constantia fidei sive retinendæ, sive profitendæ, ad propriam itidem salutem, & vel ad ipsam fidei virtutem, vel ad fortitudinem pertinet, de qua S. Thomas 2. 2. q. 3. a. 1. ad 2. ait: Fortitudo removet impedimentum confessionis fidei, scilicet timorem vel erubescenciam.*

Dicendum est igitur, cum S. Thoma cit. 2. 2. q. 4. a. 5. ad 4. fidem quæ gratia gratis data dicitur, accommodate ad ea, quæ Apostolus antea ibidem de sermone sapientie & scientie dixerat, accipi pro sermone fidei, prout scilicet homo recte potest propone ea quæ fidei sunt, infra tamen scilicet copiam & ubertatem sermonis sapientie, & sermonis scientie; ita scilicet ut fidei gratia imbutus simpliciter quidem ac sine ornato & amplifi-

137

138

139

catione, planetamen, aperie ac distincte, atque ad auditorem, etiam rudium captum accommodare, fidei dogmata proponere, nescientesque docere possit; vbi simul tamen etiam ex parte intellectus includitur distincta quædam, & methodica ipsorum fidei dogmatum notitia, ad docendum alios accommodata: qua gratia potissimum in Catechistis requiritur.

140 Quarto; Alia gratia gratis data est, donum linguarum; quod nihil aliud est, quam facultas seu peritia loquendi varijs linguis, vti de Apostolis loquitur scriptura Actorum 2. v. 4. de quo etiam plura leguntur 1. Cor. 14. Et quamvis nonnulli Patres, speciatim Cyprianus de operibus Christi cardinalibus, Gregorius Nanianzenus sermone in Pentecoste, & Nicetas ibidem, quos sequuntur glossa ordinaria in Act. c. 2. & Lyranus ibidem, existiment, Apostolis ita concessum fuisset linguarum donum, vt vna tantum lingua loquentes intellegentur a diuersarū linguarum hominibus; ipsa scilicet voce ita varie in aere commutata & efformata, vt ad vniuersiusq; audientium aurem & captum accommodate accideret; idq; etiam factum subinde credibile sit, ipsum tamē donum linguarum proprie ac præcipue in eo positum non fuit, sed potius vt vere ac re ipsa omnium gentium linguis loqueretur, vti constat ex citato Scripturæ loco, cui consonat illud Apostoli 1. Cor. 14. v. 18. *Gratias ago Deo meo quod omnium vestrum lingua loquor: idemque docent ex Patribus Augustinus sermone 186. de tempore, Leo sermone 1. de Pentecoste, Chrysostomus homil. de Spiritu Sancto, & Gregorius homil. 30. in Euangelia.*

141 Quinto; Alia gratia itidem ad sermonem pertinens, est *Interpretatio sermonum*, qua siebat, vt sensus eorum, quæ alius vel peregrina lingua, vel supra captum audientium differebat exponeretur & explicaretur. Priorem huius gratia rationem & usum indicant Theodoretus 1. Cor. 12. & Chrysostomus homil. 29. in 1. Cor. 12. & Ambrosius in 1. Cor. 12. Vbiait, interpretis sermonum officium esse, dicta illorum qui linguis loquuntur, vel literis, per donum Dei fideli interpretari. posteriorem attigit S. Thomas 1. 2. q. 111. a. 4. vbi docet interpretationem sermonum referri ad sensum eorum, quæ sunt preferenda, vel ab alijs prolata; quo proinde etiam ipsius scriptura interpretatio pertinet iuxta eundem S. Thomam lect. 2. in 1. Cor. 12. couenienter illi 2. Petri 1. v. 20. *Hoc primum intelligentes, quod omnis propheta scriptura propria interpretatione non sit. Non enim voluntate humana allata est propheta. Vbi sensus est; quia scriptura sacra Spiritus Sancti instinctu conscripta est, ideo secundum, eiusdem Spiritus instinctum, non autem ex proprio ingenio, interpretandam esse.*

142 Sexto; Alia gratia ad cognitionem potissimum ac formaliter pertinens, est *Propheta*; ad quam, et si propriissime spectet reuelatio seu prænotio eventuum futurorum, iuxta S. Thomam 2. 2. q. 171. a. 3. non tamen ad hanc solam materiam coarctatur; quando etiam ad presentia & præterita, certa quodam lumine divinæ reuelationis notificata, extenditur, iuxta eundem S. Thomam ibidem vbi ait: *Manifestatio, quæ sit per aliquod lumen,*

ad omnia illa se extenderet potest, quæ illi lumini subjiciuntur. Vnde Gregorius homil. 1. in Ezechiele, Prophetia, inquit, de futuro est. Ecce Virgo concipiet, & pariet filium. Prophetia de præterito, In principio creauit DEVS calum terram: de illo enim tempore dixit homo, quo non erat homo. Prophetia de praesenti est, quando Paulus Apostolus dicit 1. Corinth. 14. Si autem omnes prophetent, intret autem quis infidelis vel idiota, conuincitus ab omnibus, iudicatur ab omnibus; occulta enim cordis eius manifesta sunt: cum dicatur occulta cordis eius manifesta sunt, profecto monstratur, quod per hunc medium spiritus prophetia non prædictis, quod futurum est, sed ostendit quod est. Quare & occultorum cordis alieni, & longe absentium notitia ad prophetiam pertinet, iuxta S. Thomam loc. cit. tametsi hoc loco paulo strictius accipiatur, ut in explicatione sequentis gratia dicetur.

Differat prophetia à fide, non ideo proprie, quod Prophetis immediate à D E O fit reuelatio; credentibus autem per fidem solum mediate; contrarium enim patet in Angelis, & primo homine, sed quod hæc nititur reuelatione obscura, vt suo loco dictum; illa vero, si in suo genere, perfecta sit, reuelatione clara; qua scilicet reuelans Deus vi ipsius reuelationis, (non sola videtur, aut iudicij naturalis) clare innotescat, ita ut prophetia proinde includat euidentiam in attenuante seu reuelatæ, vt bene docet Caietanus 2. 2. q. 17. a. 5. & indicat S. Augustinus lib. 5. de Cœnit. Dei cap. 9. & S. Thomas cit. q. 171. a. 5. & a. 3. ad 2. & q. 12. de veritate a. 2. & 3. p. q. 7. a. 8. ad 1. et si alii alter sentiant, & Suarez hic disp. 8. sect. 5. & 3. p. tom. 1. disp. 21. sect. 1. à claritate & obsecuritate censeat abstrahere.

Probatur tum illæ Danielis c. 20. v. 1. *Intelligen-
tiae est opus in visione. Tū quod idcirco Prophetæ ri-
dentes dicitur, eandemq; ob causam ipsi Prophete-
tæ adeo fidenter dicebant: Hec dicit Dominus. Speciati-
am David 2. Reg. 2. 3. v. 4. sicut lux aurora, oriente
sole, mane absq; nubibus rutilat. Accedit quod alias p-
rophetia neq; à fide distingui, vt suo loco dictū, neq;
(si necessario obscura esset) Christo tribui possit,
contra communem.*

Quare etiam ad Prophetiam pertinet, vt ipsi Prophetæ probe discernant ac norint, quid ex Deo loquantur ipsi, & quid de suo, itemq; si actus prophetiæ perfectus sit, vt visionum ac reuelationum prophetarū sensum probe percipient. Tame si nonnunquam in Prophetis præter veram & perfectam cognitionem propheticā, dentur etiā subinde quidā actus in eo genere imperfeci, aut plane diuersi generis, vt docet S. Thomas 2. 2. q. 171. a. 5. vbiait: *Mens Prophetæ dupliciter à Deo instruitur: uno modo per expressam reuelationem, alio modo per instinctum quendam occulatum, quem nescientes humana mentes patiuntur, vt s. Augustinus tract. 8. in Ioannem dicit. Adeo, quæ cognoscit per instinctum, aliquando sic se habet, vt non plane dicere posset, vtrum hec cogitauerit divino instinctu, vel per spiritum proprium. Non autem omnia, quæ cognoscim⁹ divino instinctu, sub certitudine prophete-
tica nobis manifestantur. Talem enim instinctum est, quiddam imperfictum in genere prophetie. Idem habet S. Gre-
gorius hom. 1. in Ezechiele. Atq; hoc primum genus*

genus est cognitionis imperfectae in ratione prophetiae; quæ quidem proprie etiam prophetie nomen non meretur.

146 Secundo huc spectant mere apprehensiones Prophetarum visionum, absque notitia significatiois earundem. Non enim Pharaon Genesis 41. aut Nabuchodonosor Danielis 2. & 4. diuinorum visionum spectatores, proprie Prophetæ erant; sed potius Joseph & Daniel, qui has exposuerunt.

Tertio huc pertinent ea reuelationes & visiones Prophetarum, quarum sensus soluta ex parte, non ex toto Prophetis innotescunt. Vnde S. Thomas 2. 2. q. 174. a. 4. sciendum, inquit, quod quia mens Prophetæ est instrumentum deficiens, etiam veri Prophetæ non omnia cognoscunt, que in eorum visis aut verbis, aut etiam factis spiritus Sanctus intendit. Et Augustinus lib. 12. in Genesim ad literam cap. 9. Minus Prophetæ, inquit, qui rerum, quæ significantur sola ipsa signa in spiritu per rerum corporalium imagines vident; & magis Prophetæ, qui solo eorum intellectu prædixit est; sed & maxime Prophetæ, qui vitroque precllit, ut & videat in spiritu corporalium rerum significativa similitudines, & eas viuacitate mentis intelligat.

147 Prophetiae modus varius est; ac præcipue triplex iuxta S. Thomam 2. 2. q. 174. a. 1. ad 3. post Augustinum 1. 12. de Genesi ad tit. c. 7. & Isidorum lib. 7. etym. c. 8. 1. per externam obiecti representationem. 2. per internam imaginationis apprehensionem. 3. per simplicem illustrationem intellectus: de quibus S. Gregorius 1. 18. Moralium c. 2. Aliquando, inquit, Dominus voluntatem suam indicat imaginibus cordis oculis ostensis, aliquando imaginibus ante oculos corporeos ex aere assumpitis; potuit & interius per semipossum Dominus vim suæ sententia cordis sine verbis insonare.

Rursus vero Prophetia, inquit S. Thomas 2. 2. cit. q. 174. art. 3. in qua manifestatur supernaturalis veritas per imaginariam visionem, diversificatur secundum differentiam somni, quod sit in dormiendo; & visionis, quæ fit in vigilando; quæ pertinet ad altiorem gradum Prophetie; quia maior vis propheticæ luminis esse videtur, quæ aliquem occupatum circa sensibilia in vigilando abstrahit ad supernaturalia, quam illa, quæ animam hominis abstrahit a sensibilibus inuenient in dormiendo. Cum quo non pugnat, aliquam visionem in somno, si Deus simul animum ad recondita mysteria intelligenda expressis verbis erudit, præstantiore esse posse, quam Prophetamicam visionem vigilanti oblatam; quia iuxta eundem S. Thomam ibidem, *altior gradus prophetia videtur quando Prophetæ audit verba exprimentia intelligibilem veritatem, sive in vigilando, sive in dormiendo, quam quando videt alias res significatiuas veritatis.* &c. multoq; magis quando Prophetæ non solù videt signa verborum vel factorum, sed etiam videt vel in vigilando, vel in dormiendo aliquem sibi colloquentem, aut aliquid demonstrarem: quia per hoc ostenditur, quod mens Prophetæ magis appropinquet ad causam reuelationis.

Cum prophetia affinitatem habet Raptus, quo aliquis præter naturæ ordinem (vt excludatur somnus) abstrahitur a sensibus ac rerum sensibilium apprehensione. Quæ abstractio, inquit S. Thomas

q. 175. generatim potest ex triplici causa contingere. *Vno modo ex causa corporali, sicut accidit in his, qui propter aliquam infirmitatem alienationem patiuntur. Secundo modo, ex virtute dæmonum, sicut patet in arreptiis. Tertio modo ex virtute diuina. Et sic loquimur nunc de raptu, prout scilicet aliquis spiritu diuino elevatur ad aliquas supernaturalia, cum abstractione a sensibus, secundum illud Ezechielis 8. Spiritus eleuauit me inter cœlum & terram, & adduxit me in Hierusalem, in visione Dei.*

Et quamvis Raptus habere soleat causam ex parte appetitus, siquidem hoc ipso, quod is ad aliquid vehementer afficitur, potest contingere, inquit ibidem S. Thomas a. 2. quod ex violentia affectus homo ab omnibus alijs alienetur, iuxta Dionysium c. 4. de diuinis nominib⁹ ubi ait: *Est autem extasis faciens diuinus amor, sicut etiam in eodem appetitu delectationem velut effectum causare raptus potest;* proprie tamen ac formaliter raptus non pertinet ad vim appetitum, sed solum ad cognoscitum, cuius scilicet proprie est mentem a materialium ac sensibilium rerum concretione ac sensu liberam reddere, iuxta S. Thomam ibidem.

Differit raptus ab extasi, iuxta eundem ibidem ad 1. Nam extasis, inquit, importat simpliciter excessum a seipso, secundum quem scilicet aliquis extra suam ordinationem (seu liberam sui dispositionem) ponitur. Sed raptus super hoc addit violentiam quandam, adeoq; singularē ab omnibus sensibus ab alienationem extrinseca Dei virtute factam. Ex quibus etiam colligitur, raptum quidem simul coniungi posse cum prophetia, non tamen necessario; sicut etiam raptus sine prophetia esse potest; quando homo in raptu sola fidei, sive etiam donorum Spiritus Sancti, Intellectus scilicet, Sapientia, & Scientia vnu, absque noua, & prophetica reuelatione diuina, diuina contemplatur, et si forsitan hoc rarius accidat.

Septimo Prophetiae gratia adeo affinis est discretio spiritum, itidem ad cognitionem pertinens, vt uno quadam sensu etiam ad prophetiam pertineat, ex dictis; quamvis hoc loco iuxta S. Thomam 1. 2. q. 111. art. 4. ita contra eam distinguitur, vt prophetia, quatenus est specialis gratia gratis data, in prævidendis futuris contingentibus, aut certè alijs procul ab humana cognitione remotis cognoscendis versetur; discretio spirituum autem in occultis cordium cognoscendis occupetur. Qui tamen materia addi debet etiam cercum iudicium in omni genere de bono, seu malo spiritu, deque instinctu & motione ab ijdem profecta. In quem sensum Chrysostomus loc. cit. homil. 29. in 1. Cor. ait: *Quid est discretiones spirituum? nosse quis sit spiritualis, & quis non spiritualis, & quis impior.* Et Ambrosius citat. 1. Corinth. 12. *Alij datur discretio spiritum, vt intelligat & iudicet, quod dicatur an spiritus sancti sit, an mundani.* Et Hieronymus ibidem: *vt qualis vel quo spiritu veniat, vel loquatur, intelligat.* Et Theodoretus ibidem: *vt eos discerneret, qui ab aduersario spiritu agebantur.* Potest tamen ipsa discretio spirituum etiam fieri notitia & lumine quadam inferiori, quam sit lumen propheticum, vti fit, quando ex varijs

150

151

152

regulis

regulis, & simul ex indicijs naturaliter aut experimentaliter notis, interni instinctus dijudicantur; qua ratione discretio Spirituum à prophetia etiam essentialiter differet.

153 Eadem fere ratione *Operatio virtutum & Gratia sanitatum*, quas quod externa opera concernant, ad hunc postrem locum referuauimus, non tam ex parte formæ, quam materiae differunt. Cum enim utraque versetur in perpetratione miraculorum, hoc solo inter se differunt, iuxta S. Thomam 1. 2. q. 111. a. 4. quod hæc circa ea miracula patranda versetur, quæ ad salutem corporum pertinent; illa vero circa alia, quæ ordinantur ad solam diuinam potestatis protectionem, vt superius dictum. Sed & ab Ambrosio & Hieronymo in 1. Cor. 12. ad operationem virtutum referunt etiam electio dæmonum; quæ tamen non absque ratione etiam ad gratiam sanitatum referri possit.

154 Dubitatur, an miracula præter Deum principalem authorem, habeant etiam causas instrumentarias creatas physicas, aa solum morales. Posteriori assertuauit Bonaventura 3. dist. 13. a. 2. q. 3. Richardus ibidem, Gabriel q. vn. a. 3. dub. 2. Scotus in 4. dist. 1. q. 5. Durandus q. 4. Marsilius q. 2. a. 2. & Canus Relect. de Sacramentis part. 4. Priorem partem tuerunt Capreolus in 4. dist. 1. q. 1. a. 3. Ferrariensis 4. contra Gentiles cap. 56. Paludanus in 4. dist. 1. q. 1. conclus. 3. Sotus dist. 9. q. 2. a. 7. Vega lib. 7. in Tridentinum cap. 14. & plarique Thomistæ; quibus plurimum fauet S. Thomas 3. part q. 62. a. 4. ad. 2. & q. 63. a. 2. ad. 1. & q. 27. de veritate a. 4. ad. 4. & 2. 2. q. 178. a. 1. ad. 1. vbi ait Deus principaliter operatur, qui uitatur instrumentaliter, vel interiori motu hominis, vel eius locutione.

155 Quæ sententia mihi etiam probabilior videatur, saltem respectu ipsius humanitatis Christi, quæ fuit instrumentum coniunctum ad patranda opera miraculosa; cuique etiam hic honor præ ceteris debebatur, vt passim docet S. Thomas, & suo loco tom. 3. pluribus dicetur. Neque opus est, ad hanc rem peculiari qualitate, seu corporæ seu spirituali, ipsi instrumento impressa, vt existimant Capreolus, Paludanus, Ferrariensis, & alij: sufficit actualis vsus & applicatio instrumenti, vt suo loco de potentia obedienciali actiuæ creaturarum, deque Sacramentis generatim dicetur. In alijs vero Sanctorum, aut rerum sanctarum miraculis, existimo solum interuenisse concursum moralem; quia umbra Petri v. g. cum esset aliquid solum negativum, nec potuit quidem habere efficientiam physicam ad aliquid operandum. Eadem videtur ratio aliarum eiusmodi rerum.

156 Quæritur quarto, an gratiæ gratis datae sint habitus. Respondetur, quasdam sua natura esse posse habitus, dubitari vix potest. Tales sunt sermo sapientiæ, sermo scientiæ, Fides, Genera linguarum, Interpretatio sermonum; quando negari non potest, à Deo infundi posse habitus, quibus homo aptus reddatur, tum ad oportune enuntianda diuina, tum ad loquendum varijs linguis, easque interpretandas; cum similes

quidam habitus, saltem naturales, etiam humano studio acquiri possint; & probabile est, dominum linguarum re ipsa non fuisse distinctum à speciebus intelligibiliis vocum & significacionis earundem, siue à Deo nouiter collatis, siue certo modo dispositis & ordinatis. Quas proinde gratias ita etiam habitualiter Apostolis communicatas fuisse, verius videtur; tametsi alioqui S. Thomas, à toto genere loquendo, passim significet, gratias gratis datas magis in actu, quam in habitu confidere.

E contrario certum videtur, gratiam sanitatum, & operationem virtutum, formaliter & essentialiter: habitus non esse, nec esse posse; quando nulla qualitas creata possibilis esse videtur, quæ potentia alicui subseruat, per modum aliquius connaturalis instrumenti, ad miracula perpetranda; hoc ipso, quod ea vim omnem creatam superant; quidquid sit de qualitatibus illis, quasi per modum potentia impressis admiracula perpetranda; quas tamen ipsas verior sententia non admittit, vt dictum.

De duabus gratijs potest esse quæstio, an sua natura sint, vel esse possint habitus; nimis de prophetia, & discretione spirituum. Evidem existimo, ipsum lumen Propheticum, quoad iudicium & assensum in Prophetis (Christo excepto, de quo inferius) habituale nunquam fuisse; eti quoad species aut phantasmatum Prophetis nonnunquam extraordinarie indita habitualiter permanisse nihil dubitem.

Vnde Gregorius 2. Moral. 28. si Prophetie, inquit, spiritus semper Prophetis adesse, inquisitus Amos Prophetæ non diceret: Non sum Prophetæ. In quem sensum etiam S. Thomas 2. 2. q. 171. a. 2. doce, Prophetas futura pro arbitrio non praividere. Species tamen & phantasmatum, quia natura sua permanentes quædam sunt qualitates, nulla ratio est cur statim deputata propheticæ illustratione, desinere debuerint. In quæ sensum accipi potest illud S. Thomæ loc. cit. In intellectu Prophetæ, cœstante actuali illustratione, remanet quedam habilitas ad hoc, quod facilius iterato illustretur.

Imo vero probabilius videatur, lumen propheticum, ea quidem ratione, qua Prophetis communicari solebat, quantum ad ipsum iudicium, non posse sua natura esse habitualiter. Ratio est; quia actus propheticæ non habent firmam aliquam & constantem rationem formalem, quanitatur; sed solum transiunt per modum aliquius actualis illustrationis, quæ non potest diutius officium rationis formalis propheticæ obire, quam dum & quamdiu actualiter perdurat; vt ex ipsa scriptura colligitur, quia lumen propheticum per modum actualis & transiunt locutionis ac revelationis describitur, puta; Factum est Verbum Domini; Locutus est Dominus; Mane erigit mihi aurem.

Idem de discretione Spirituum sentio, quatenus per eam occulta cordium Deo revelante, patet; secus est, si loquamur de notitia, quæ ad discernendos spiritus ex certis quibusdam regulis & experimentis comparari & addisci potest.

Cum

161 Cum quo non pugnat, quo minus aut olim aut etiamnum hodie quidam, diuina destinatio ne ac deputatione, gratiam prophetarum, & discretionis spirituum etiam constanter ac permanenter quasi possident; non quod ea vti possint quoties velint, sed quia Deus illos identidem ac frequenter illustrando, ad hanc functionem velut ex officio obeundam vocauerit. Quo sensu Prophetarum olim dicti sunt, etiam cessante actu alii propheticis illustratione, ex deputatione scilicet diuina; secundum illud Hieremias cap. 1. Prophetam in gentibus dedi te, ut notauit S. Thomas loc. cit. In quem sensum etiam intelligitur illud Numer. 11. Cum requieuerit in illis spiritus prophetarum, nec ultra cessaverunt.

Nec obstat, quod S. Thomas 3. part. ques. 7.

a. 7. ad i. significare videtur, omnes gratias gratis datas per modum habitus permanenter in Christo fuisse; quod etiam speciatim de prophetia assertit Hieronymus epist. 125. ad Damasum, ques. 3. Non enim ideo sequitur, omnes eiusmodi habitus propriè & formaliter in Christo fuisse habitus, ut ex dictis colligi potest. Accedit, quod cum prophetia in Christo non fuerit re ipsa distincta à cognitione supernaturali, quam per visionem beatam, vel per se infusam de diuinis rebus habuit, iuxta Suarez 3. part. tom. 1. disp. 21. sect. 1. recte concedi potest, notitiam propheticam in Christo vere ac proprie habitualem fuisse, at simul ab ea qua ceteris prophetis communicata fuit, longe diuersam, ut dictum.

Q V A E S T I O V I I I .

De Infidelitate, alijsque vitijs fidei oppositis.

S. Thomas 2. 2. q. 10. 11. 12. 13. 14. 15.

Absolutar huc questio septem dubitationibus. I. Quae & quot sint vitijs fidei opposita, speciatim de infidelitate; an semper sit peccatum, non obstante quavis ignorantia. II. In quonam subiecto sit peccatum infidelitatis; & quantum sit peccatum. III. Quot sint species infidelitatis; & qualis inter eas quoad gravitatem sit comparatio. IV. An omnes infidelium actiones sint peccata. V. Quid sit heres; & Apofasia; & quomodo inter se differant. VI. Quenam sint apostatarum & hereticorum pena. VII. De peccato Blasphemie; speciatim etiam in Spiritum sanctum, quid, quale, quantum, & quotuplex sit hoc peccatum. De Communicatione vero cum infidelibus agetur quæstione sequenti.

D U B I U M I .

Quae, & quot sint vitijs fidei opposita; speciatim de Infidelitate; an semper sit peccatum, non obstante quavis ignorantia.

S. Thomas 2. 2. q. 10. a. 1. & q. 14. & 15.

1 Postquam hactenus de obiecto, deque propositione obiecti fidei, item de habitu & actibus eiusdem egimus; sequitur prostremo, ut de vitijs fidei oppositis agamus; qua quidem S. Thomas initio questionis 10. intria genera dispergitur; ut nimur aliqui opponantur interno affectui fidei, qualis est infidelitas cum suis speciebus; alia vero opponantur confessioni fidei; quem S. Thomas esse dicit blasphemiam; denique alia opponantur scientia & intellectu, tanquam donis fidei affinibus, quem esse docet exercitatem mentis, & hebetudinem sensus; in quibus tamen duobus postremis vitijs explicandis non est nobis immorandum.

2 Solum notetur, scientia quidem directe opponi Ignorantiam, de qua satis actum est tom. 2. disp. 2. q. 1. dub. 7. & disp. 4. q. 9. dub. 1. & 2. Dono vero intellectus opponuntur voluntaria-

exercitatem mentis, & hebetudo sensus. Quarum illa quidem facit, ut mens voluntarie (seu directe, seu indirecte) à spiritualium veritatum consideratione (à peccato alioqui retrahere solita) abstrahatur; & potissimum ex luxuriæ peccato origini soleat: hæc vero ex gula enafci consuetam, consistit in quadam difficultate & stupiditate mentis, in penetrandis & distincte percipiendis rebus spiritualibus; de quibus agit S. Gregorius lib. 3. Moral. cap. 3. 1. Non videntur autem hæc peccata esse distincta ab ijs, è quibus nascuntur, aut quæ ex illis postea nascuntur; nisi ea ratione quæ ipsam ignorantiam aliquando per se peccatum esse potest, ut generatim dictum cit. disp. 4. q. 9. dub. 1. & paulo post inferius hoc dubio speciatim in hac ipsa materia fidei dicetur. Vide S. Thomam hic q. 15.

Quod vero ad infidelitatem attinet, hoc no-

mine